

# L'urcheSTRU Vivu

Piumbu di i stundi  
Aria infiarata  
Ani fattu starminiu  
Focu d'infernū  
In capu di ssa cità

Cori spaccatu  
Amori spintu  
Sô i colpa di l'odiu  
A barattà  
À barattà i firiti

A i quatreri  
L'arti era appesa

Casi carchi à maraviddi  
È carrughji in armunia  
Una festa  
Chi ùn s'arresta

Ària grisgiogna  
Celi tristizia  
So musicanti tumbi  
Scena sparita  
Troncu tiatru in pulvina

Pezza di vita  
Moghji d'a ghjenti  
E u stintu si spinghi  
Capu calatu  
Morti appesa àd'un segnu

Maestru afflittu  
L'urchestra attenti

U mondu sanu s'hè zittu (sta zittu)

D'addisperu è di lamentu  
U priludiu,  
D'un diluviu

Archettu Arrittu  
Urchestru arditu  
E u stintu ripidda  
Capu pisatu  
Vita incurdata da u cantu

U cantu chjama  
À u righjiru

Tandu lu mondu si spanna  
È a fedì hè vultata  
Ochja aparti  
Nant'à a vita

E riprincipia a musica  
Di pedi in a calcina  
E riprincipia a vita  
Appesu ad un viulinu  
E riprincipia u cantu  
Chi sfida a falcina

*Jacques Thiers / Bruno Susini*